

新刻增補藝苑卮言卷之五

吳郡王世貞元美

新安程榮仲仁梓

高皇帝神武天授生目不知書既下集慶始厭馬上
長歌短篇操筆輒韻有魏武樂府風制詞質古一洗
駢偶之習

高帝嘗謂宋濂浙東人才惟卿與王禕耳才思之雄
卿不如禕學問之博禕不如卿又嘗與劉誠意論文
誠意謂宋濂第一其次臣不敢多讓又其次張孟兼

孟兼性剛復好出人上爲按察副使上冢歸邑令謁之不爲禮帝聞之弗善也又與布政使吳印爭帝大怒摘樞之幾絕乃賜死

解大和十八舉鄉試第一以進士爲中書庶吉士

上試詩稱旨賜鞍馬筆札而縉率易無所讓嘗入兵部索阜人不得卽之尚書所嫚罵尚書以聞上弗責也曰縉逸當爾耶苦以御史卽除御史久之事文皇帝入內閣詞筆敏捷爲一時冠而意氣濶踈又性剛多忤上聞之亦弗善也出叅議廣西日與王檢討

傅探竒山水自適上書請鑿章江水便來往上大怒
徵下獄三載命獄吏沃大紳以燒酒埋雪中死

曾學士子啓 上嘗召試天馬歌援筆立就佳之賜

寶帶又因醉遺火延燒民居上弗罪也後病卒且氣
絕呼酒飲至醉題曰宮詹非小六十非天我以為多
人以為少易箚蓋棺此外何求白雲青山樂哉斯丘

○桑民懌家貧亡所蓄書從肆中鬻得讀過輒焚棄
之敢為大言不自量時銓次古人以孟軻自况原遷
而下弗論也而更非薄韓愈氏曰此小兒號嘔何傳

聞翰林文令爲誰曰虛無人舉天下亦唯悅其次祝
允明又次羅圯悅髻椎而補博士弟子部使者按水
利下邑悅前謁之書刺江南才人桑悅博士弟子業
不當刺又厚自譽使者大駭已聞知悅素廼延之校
書而預刊落以試悅校至不屬卽索筆請書仁誤使
者大悅服折節交悅矣十九舉鄉試再試禮部奇其
文至閱道統論則曰夫子傳之我縮舌曰得非江南
桑生耶大狂士斥不取時丘濬爲尚書募悅名召令
具賓主已出已文令觀給曰某先輩誤悅心知之曰

公謂悅為逐穢也耶。余何得若文。而今悅觀濟曰。生
試更爲之。歸譔以奏。濟稱善。已令進他文。濟未嘗不
稱善也。嘗餽悅以狔項。悅詣謝。濟曰。狔項美何如。生
固甘之。不對曰。使悅嘗尚方芍藥饌。所不足甘。而一
狔項何如。草具哉。悅名在乙榜。請謝不爲官。俟後試
而時竟以悅狂抑弗許。調邑博士。悅爲博士踰歲。而
按察視學者別立。濟濟曰。吾故人桑悅。幸無以屬吏
跡也。按察旣行部。抵邑不見悅。顧問長史。悅今安在。
置有恙乎。長史素憾悅。皆曰無恙。自須不肯。以

使吏往召之。悅曰：連宵日雨淫，傳舍圯若妻。何候若按察？人不待吏兩吏促之。悅益怒曰：若真無耳者，卽按察力能屈博士，可屈桑先生乎？爲若期三日。先生來不，三日不來矣。按察欲遂收悅，緣濟不果。三日悅詣按察，長揖立不跪。按察厲聲曰：博士分不當得跪耶？悅前曰：漢汲長孺，長揖大將軍，明公貴豈踰大將軍而長孺固亡賢於悅，柰何以面皮相怨？廓之士哉！悅今去天下，自謂明公不容悅，曷解耳。因脫帽徑出。按察度下已，乃下留之。他日當選兩博士。

自隨悅在選故事博士侍左右立竟日悅請曰犬馬
齒長不能以筋力爲禮亦不能久任立願假借且使
得坐卽移所便坐御史聞悅名數召問謂曰匡說請
解人願子有是乎曰悅所談玄妙何匡出敢望卽出
在亦解願公幸賜清燕畢頃刻之長御史壯之令坐
講少休悅除襪跣而爬足垢御史不能禁令出尋復
薦之遷長沙倅再調柳州悅實惡州荒落不欲往人
問之輒曰宗元小生擅此州名久吾一旦往掩奪其
上不安耳爲柳州歲餘父喪歸服除遂不起

任誕褐衣楚製往來郡邑間

楊君謙為儀部主事與郎中不相得因謝病歸久之病良已起復除原官循吉多病而好讀書最不喜人間酬應嘗開卷至得意因起踣掉不休人遂相目呼顛主事云復官彌月再乞病告吏部以格不可曰郎病已復病耶安得告而可為者致仕耳循吉志曰吾難致仕何即自劾罷時僅三十餘既以歸益亡復問外事而踪跡益詭寡合出敕冠服羸輿馬故以起人易而更侮之又如絲文章語中傷人正德末循吉

老且貧嘗識伶臧賢爲上所幸愛上一日問誰爲善
詞者與從徂來賢頓首曰故主事楊循吉吳人也善詞
上輒爲詔起循吉郡邑守令心知故強前爲循吉治
裝見循吉冠武人冠韎給戎錦已怪之循吉又乘勢
語多侵守令已見上畢上每有所游燕令循吉應制
爲新聲咸稱旨受賞然賞亡異伶伍又不授循吉官
與秩間謂曰若媼樂能爲伶長乎循吉愧悔汗洽背
謀於賢乃以他語懇上放歸歸益不自憚諸後進少
年非薄之半禮問者而其文亦漸落不復進

以人所著奚囊雜纂未成書

祝希哲生而右手指枝因自號枝指生爲人好酒色
陸博不修行檢嘗傳粉黛從優伶酒間度新聲俠少
年好慕之多齋金游允明甚洽舉鄉薦從春官試下
第是時海內漸熟允明名索其文及書者接踵或輦
金幣至門允明輒以疾辭不見然允明多醉伎館中
掩之雖累帑可得而家故給以不問僮奴作業又捐
業蓄古法書名籍售者或故昂直欺之弗筭至或留
客計無所出酒窘甚以所蓄易置得初值什一二耳

當其窘時黠者待少錢米乞文及手書輒與已小饒
更自貴也嘗遺黑貂裘甚美欲市之或曰青女至矣
何故市之允明曰昨蒼頭言始識不市而忘敝之篋
何益後拜廣中邑令歸所請受橐中裝可千金歸日
張酒呼故狎游宴歌呼爲壽不兩年都盡矣允明好
負逋責出則羣萃而訶諍者至接踵竟弗顧去

唐伯虎與里中生張夢晉善張才大不及唐而放誕
過之恒曰日休小豎子耳尚能稱醉士我獨不耶一
日游虎丘會數賈飲山莊亭且詠靈曰此養以支下

過弄杯酒間。何當論詩我。且戲之。因更衣。衣
上丐賈食已前。請曰。謬勞諸君食。無以報。雖不能句
而以狗尾續。奈何。賈大笑。漫舉詠中事。試之。如響。賈
不測。始令。賈張復丐酒。連舉大白十數。揮毫頃而成
百首。不謝。竟去。易維蘿陰下。賈陰使人司之。無見也。
大駭。以爲神仙。云。張渡。賈遠則止。亭朱衣金目。作胡
人舞。形狀殊絕。百虎舉。鄉試第一。坐事。免家。以好酒
益。落有妬婦。斥去之。以故。愈自棄。不得嘗。嘗作文。徵
明善。及桃花菴歌。見者靡不酸鼻也。

崔子鍾好劇飲嘗至五鼓踏月長安街席地坐談文
正時以元相朝天微早遙望之曰非子鍾耶崔便
趨至輿拱曰老師得少住乎李曰佳便脫衣行觴火
城漸繁始分手別崔每一舉百餘觥船不醉醉輒呼
劉伶小子恨不見我

楊用修謫滇中有東山之癖諸夷酋欲得其詩翰不
可乃以精白綾作襖遺諸伎服之使酒間乞書楊欣
然命筆醉墨淋漓裾袖首重賞伎女購歸裝潢成卷
楊後亦知之便以爲快

用修在瀘州嘗醉胡粉傅面作雙丫髻插花而生
之諸伎捧觴游行城市了不爲忤人謂此君故自污
非也一措大裹赭衣何所可忌特是壯心不堪牢落
故耗磨之耳

邊庭實以按察移疾還每醉則使兩伎肩臂扶路唱
樂觀者如堵了不爲怪關中許宗魯何棟西蜀楊名
無夕不縱倡漸以成俗有規楊用修者答書云文有
仗境生情詩或托物起興如崔延伯每臨陣則召田
僧超爲壯士歌宋子京修史使麗豎難椽燭吳元中

起草今遠山磨逾糜是或一道也禿豈能執鞭古人
聊以耗壯心遣餘年所謂老顛欲裂風景者良亦有
之不知我者不可聞此言知我者不可不聞此言

康德涵六十要名伎百人爲百歲會旣會畢了無一
錢第持牋命詩送王郎處置時鄠杜王敬夫名位差
亞而才情勝之倡和詩詞流布人間遂爲關西風流
名士領袖

德涵旣罷官居鄠杜葛巾野服自隱聲酒時有楊侍
郎庭儀者少師介夫第以使事北上過康康以次介

不薄大喜置酒至醉自彈琵琶唱新詞爲壽修待詔
家况居恒相念君但得一書吾爲道地史局語未畢
康大怒罵若伶人我耶手琵琶擊之格胡牀迸碎楊
踉蹌走免康遂入口咄咄蜀子更不相見

用修自滇中戍輒歸瀘已七十餘而滇士有讒之撫
臣曷者曷丙俗戾人也使四指揮以銀鐙鎖來用修不
得已至滇則曷已累敗然用修遂不能歸病寓禪寺
以沒

明興稱博學饒著述者蓋無如用修其所撰有升菴

詩集升菴文集升菴玉堂集南中集南中續集七十
行成稿升菴長短句陶情樂府續陶情樂府洞天玄
記滇載記轉注古音畧古音叢目古音獵要古音復
字古音駢字古音附錄異魚圖贊丹鉛餘錄丹鉛續
錄丹鉛摘錄丹鉛閩錄丹鉛別錄丹鉛總錄墨池瑣
錄書口叩詞口叩升菴詩話詩話補遺筌篌新詠月節詞
檀弓叢訓堽戶錄瀑布泉行須候記夏小正錄升菴
經說楊子卮言卮言閩集敝帚病榻手吹臍錢飶六
書索隱六書練證經書指要其所編纂有詞以少馬羅

禪藻集風雅逸編枕林伐山五言律祖蜀枕人志月
絕精選唐音百絕呈明詩抄赤牘清裁赤牘拾遺經
義模範古文韻語叙管子錄引書品鈇選詩外編交
游詩錄絕句辨體蘇黃詩髓宛陵六一詩選五言三
韻詩選五言別選李詩選杜詩選宋詩選元詩選群
書麗句名奏菁英群公四六節文古今風謠古韻詩
略說文先訓文海釣鰲禪林鈎玄墳詞選格有排明
珠古今詞英墳詞玉屑韻藻古諺古雋四象中秀句六
書索隱六書練證逸古編經書指要詩林振秀

楊工於證經而踈於解經博於禪史而忽於正史詳於詩事而不得詩旨精於字學而拙於字法求之宇宙之外而失之耳目之前凡有援據不妨墨守稍涉評擊未盡輸攻。

何仲默與李獻吉交誼良厚李爲逆瑾所惡仲默上書李長沙相救之又畫策令康修撰居閒乃免以後論文相掎擊遂致小間蓋何晚出名遽成二李漸不能平耳何病革屬後事謂墓文必出李手時張以言孟望之之在側私曰何君沒恐不能得李文公行文也

不得何意吾曹與戴仲鵠樊少南共成之可也今登
之銘亦寥落不甚稱

李獻吉爲戶部郎以上書極論壽寧侯事下獄賴上
恩得免一夕醉遇侯於大市街罵其生事害人以鞭
稍擊墮其齒侯恚極欲陳其事爲前疏未久隱忍而
止獻吉後有詩云半醉唾罵文成侯蓋指此事也

李獻吉旣以直節忤時起憲江西名重天下俞中丞
諫督兵平寇用二廣例抑諸司長跪李獨植立俞怪
問足下何官耶李徐答公奉天子詔督諸軍吾奉天

子詔督諸生竟出後與御史有郤卽率諸生手銀鐺
欲鎖御史御史杜門不敢應坐持免名益重方岳部
使過汴必謁李年位旣不甚高見則據正坐使客侍
坐往往不堪乃起寧藩之獄陷李幾死林尚書待用
力救得免自是不復振

何仲默謂獻吉振大雅起百世書薄子雲賦追屈原
王子衡云執符於雅謨遊精於漢魏以雄渾爲堂奧
以蘊藉爲神樞思入玄而調寡和如鳳矯龍變人罔
不知其爲祥亦罔不駭其異黃勉之云興起學士免

回古文五色錯以彪章八音和而協美如玄定句乎
品物海渤滙夫波流又云江西以後愈妙而化如玄
造範物鴻鈞播氣種種殊別新新無已其推尊之可
謂至矣然王敬夫薛君采各有漫興詩王詠何云若
使老夫須下拜便教獻吉也低頭薛云俊逸終憐何
太復粗豪不解李空同則似有不盡然者及觀何之
駁李詩有云詩意象應曰合意象乖曰離空同丙寅
間詩為合江西以後詩為離試取丙寅作叩其音尚
中金石而江西以後之作辭艱者意反近意苦者辭

反常色黯澹而中理披慢讀之若搖鞞鐸耳李之駁
何則曰如搏沙弄泥散而不瑩濶大者鮮把持又無
針線又云如伸默神女賦帝京篇南游日北上年四
句接用古有此法乎蓋徒知神情會處下筆成章為
高而不知高而不法其勢如搏巨蛇駕風躡步驟雖
奇不足訓也君詩結語太咄易七言律與絕句等更
不成篇亦寡音節百年萬里何其層見疊出也七言
若剪得上二字言何必七也二子之言雖中若戈矛
而功等藥石特何謂李江西以後為離與勉之言背

馳此未識李耳李自有二病曰模倣多則牽人今而何
跡結構易則麤縱而弗工

獻言之於文復古功大矣所以不能厭服衆志者何
居一曰操撰易一曰下語雜易則沈思者病之雜則
顯古者卑之

歌行之有獻吉也其猶龍乎仲默于鱗其麟鳳乎夫
鳳質而龍變吾聞其語矣未見其人也

賦至何李差足吐氣然亦未是當家近見盧次樞繁
麗濃至是伊門第一手也惜應酬爲累未盡陶沈之

力耳余與李于鱗言盧是一富賈胡群瑤悉聚所乏
陶朱公通融出入之妙李大笑以爲知言然李材高
不肯作賦不知何也俞仲蔚小賦乃時得佳者其爲
誄贊辭殊古

五七言律至仲默而暢至獻吉而大至於鱗而高絕
句俱有大力要之有化境在

國朝習杜者凡數家華容孫宜得杜肉東郡謝榛得
杜貌華州王維楨得杜筋閩州鄭善夫得杜骨然就
其所得亦近似耳唯夢陽具體而微

李少卿報蘇屬國書不必論其文及中有逗脫者其
傳合史傳纖毫畢備屬作無疑第其辭感慨悲壯宛
篤有致故是六朝高手明唐伯虎報文徵明王稚欽
答余懋昭二書差堪叔季伯虎他作俱不稱稚欽於
文割裂比擬亡當者獨尺牘差工耳

常明卿多力善射雖爲文法吏時韎韐跣注兩鞬騎
而馳於郊諸徹侯子弟從俠少年飲常前突據上坐
起角射咸不及問稍知爲常評事敬之奉大白爲壽
常引蒲沾醉竟馳去弗顧又時過倡家宿至日高春

徐起或叅會不及長吏訶之敖然曰故賤時過從胡
姬飲不欲居薄耳竟用考調判陳州庭詈御史中以
法罷常歸益縱酒自放君恒從歌伎酒間度新聲悲
壯艷麗稱其為人又好彭老御內術自謂得之神僊
可立致一日省墓從外舅滕洗馬飲大醉衣紅腰雙
刀馳馬塵絕從者不及前渡水馬顧見水中影驚蹶
常墮水刃出於腹潰腸歿年僅三十四平陽守王濬
其故人爲收葬之常有詩吊韓信曰漢代稱靈武將
軍第一人禍奇緣躡足功大不謀身帶礪山河在丹

青祠廟新長陵一杯土寂寞亦三秦至今爲中原豪俠之冠

余嘗於同年袁生處見獻吉與其父永之念憲書極言其內弟左國璣猜忌之狀未有云此人尚爾何況邊李耶邊蓋尚書庭實與獻吉素稱國士交者又獻吉晚爲其甥曹嘉所厄良苦豈文士結習例不免中人忌耶

仲默別集亦不能佳惟空同集是獻吉自選然亦多駁雜可刪者余見李嵩憲長稱其黃河水遶漢宮墻

河上秋風鴈幾行。客子過壕追野馬。將軍謫箭射天
狼。黃塵古渡迷飛輓。白日橫空冷戰場。聞道朔方多
勇畧。只今誰是郭汾陽。一首李開先少卿誦其逸詩
凡十餘首。極有雄渾流麗勝其集中存者。爾時不見
選何也。余往被酒跌宕不能請錄之。深以為恨。

昌穀自選迪功集。咸自精美無復可憾。近皇甫氏為
刻外集。袁氏為刻五集。五集卽少年時所稱文章江
左家家玉烟月。揚州樹樹花者是已。餘多雅俗之語
不堪覆瓿。世人猥以重名。遂聚收梓。不知舞陽絳灌

既貴後爲人稱其屠狗吹簫以爲佳事寧不泚頰
高子業少負淵敏生支干與僞漢友諒同既遷楚臬
恒邑邑不自得發病卒寔是友諒彭湖之歲也其詩如
積賤詎有基履榮誠無階既妨來者途誰明去矣懷
茫然大楚國白日失蕪城久卧不知春茫然怨行役
爲客難稱意逢人未敢言失路還爲客他鄉獨送君
衆女競中閨獨退反成怒寒星出戶少秋露墜衣繁
以我不如意送君同此心當軒留駟馬出戶倚雙童
里中夷門監城烟外酒家胡爲農信可歡世自薄耕稼

問年有短髮逐世無長策林深得日薄地靜覺見蟬多
又文章知汝在功名何物是騎馬問春星殘雨夕陽
移清婉深至五言上乘

王稚欽少爲文頃刻便就多奇氣然好狎游黏竿風
鷗諸童子樂又蹶不可馴父每扶杖之輒呼曰大人
奈何輒虐海內名士耶爲翰林庶吉士詩已有名其
意不可一世僅推何景明而好薛蕙鄭善夫故事學
士二人爲庶吉士師甚嚴重稚欽獨心易之時登院
署中樹而窺學士過故作聲驚使見大恚然度無如

何待為不知也乃已當授官給事中詔特予外補裕
州守既中不屑州而以諫出知當乃益驕甚臺省監
司過州不出迎亦無所托疾人或勸之怒曰齷齪諸
賁官後廷陳迎耶當不愧死一日出候其師蔡潮以
使藩道者潮好謂曰生來候我固厚而分守從後來
亦一見否且生厚我以師故卽分守君命也稚欽曰
善乃前迎分守而分守既下車數州吏微過當稚欽
答之十稚欽大罵曰蔡師悞王先生見辱挺身出悉
呼其吏卒從守勿更侍一府中憎伏亡敢留者分守

窘不能具朝餽謀於蔡潮潮爲謝過稍給之僅得夜
引去於是監司相戒莫敢道裕州而恨稚欽益甚爲
文致逮下獄削秩歸家居愈益自放達官貴人來購
文好見者稚欽多蓬首垢足囚服應之間衣紅紵窄
衫跨馬或騎牛嘯歌田野間人多望而避者晚節詩
律尤精好縱倡樂有聞等一首花月可憐春房櫳映
玉人思繁纖指亂愁劇翠蛾顰授色歌頻變留賓態
轉新曲終仍自敘家世本西秦又一書答人云綺席
屢改伎倆雜陳絲肉競奏宮徵暗移義和旣逝蘭膏

嗣輝逸興狎棕干霄薄雲禮廢罰弛履遺纓絕俱妙
極形容可謂才子

鄭郎中善夫初不識王儀封廷相作漫興十首中有
云海內談詩王子衡春風坐遍魯諸生後鄭卒王始
知之爲位而哭走使千里致奠爲經紀其喪仍刻其
遺文人之愛名也如此

孫太初玉立美髯風神俊邁嘗寓居武林費文憲罷
相東歸訪之值其晝寢孫故卧不起久之少師坐益
恭孫乃出又了不謝送之及門第矯首東望曰海上

碧雲起遂接赤城大奇大奇文憲出謂馭者曰吾一生未嘗見此人

吳中如徐博士昌穀詩祝京兆希哲書沈山人啓南畫足稱國朝三絕

太原兄弟俱擅菁華

貢士冲司直孝司勳方虞部濂

汝南父老

騷雅

省曹姬水

徵仲三絕彭嘉有二道復二妙括得其二

吳中一時之秀海內寡儔

皇甫子安之東覽古選頗勝子循之禪棲近體為佳
子安卒蔡子木以詩哭之云五字沈吟詩品絕一官

惟悴世途難可謂實錄蔡每對余讀輒哽咽淚下

楊用修婦亦有才情楊久戍滇中婦寄一律云鴈飛
曾不到衡陽錦字何由寄永昌三春花柳妾薄命六
詔風烟君斷腸日歸日歸愁歲暮其雨其雨怨朝陽
相聞空有刀環約何日金鷄下夜郎又黃鸝兒一詞
積雨釀春寒見繁花樹樹殘泥塗蒲眼登臨倦江流
幾灣雲山幾盤天涯極目空腸斷寄書難無情征鴈
飛不到滇南

吾友宗子相天才奇秀其詩以氣為主務於勝人間

有小瑕及遠本色者弗恤也吳明卿才不勝宗而能
求詣實境務使首尾勻稱宮商諸律情實相配子相
自謂勝吳默已不戰屈矣徐子與斟酌二子頗得其
中已是境地精思便達梁公實工力故久才亦稱之
嘗爲別余輩詩一百韻膾炙人口惜悟汗未幾中道
摧殞每一念之不勝威明絕鐫之痛

子相自臨中手一編遺余乃五七言近體予摘其佳
句書之屏間雖沈侯采王筠之華皮生推浩然之秀
不是過也世言古今不相及殊曠曠有識者當辨之

耳中聯寄贈予者如萬里靡蕪色秋風一夜深又一
身詩作癖萬事酒相捐枕簟踈秋雨江山隔暮烟又
金山一柱立滄海萬波隨又愁來失俯仰書去畏江
河又屢書心盡折一字眼堪枯又袖中芳草寒相負
馬首梅花春自憐孤角千家滄海戍故人雙鬢鬪門
烟他作如閑尊銷夜燭聽雨長春蔬又爾輩甘雲卧
吾生豈陸沈又宦情疎病後世事得愁先又青山移
病遠白鴈繫書輕又忽雨新楓橘如雲長蕨薇又江
樹低從密溪流曲更分又雨氣千江入秋聲萬木多

又○日○落○中○原○紫○天○高○北○斗○垂○又○夜○立○殘○砧○杵○園○行○久○
薜○蘿○又○江○平○低○鴈○翼○潮○落○進○漁○竿○又○星○河○雙○杵○夕○風○
雨○七○陵○秋○又○戰○伐○乾○坤○色○安○危○將○相○功○又○白○雪○孤○調○
世○黃○金○巧○識○人○又○種○橘○開○新○溜○尋○芝○數○落○霞○又○生○難○
看○白○髮○死○豈○負○青○山○又○誰○家○羌○笛○吹○明○月○無○數○梅○花○
落○早○春○又○愁○邊○鴻○鴈○中○原○去○眼○底○龍○蛇○畏○路○多○又○衝○
泥○匹○馬○時○時○立○入○座○寒○雲○片○片○孤○又○絕○壁○書○開○風○雨○
色○斷○虹○秋○相○薜○蘿○長○結○句○如○登○樓○知○有○賦○莫○向○衆○人○
傳○又○浮○生○同○遠○近○斟○酌○向○鸕○鷀○又○秦○陵○千○古○淚○一○灑○

翠華東。又吾將付風雨。片片作龍鱗。賦又自知寒色
甚。不敢怨明珠。又薊門舊侶能相憶。八月雙鴻起。太
湖。又衣裳歲暮。吾將換好。與青山長。薜蘿。又浮生轉
覺。江湖窄。難把衣裳任芟荷。又醉來偃蹇。三湘裏。更
是何人白雲篇。又江門十里垂楊色。莫把時名負釣
綸。精言秀語。高處可掩王孟。下亦不失錢劉。

謝茂秦。復初。趙藩嘗謁崔文敏。銑。崔有詩贈之。後以
救盧次楸。筑遊燕。刻意吟詠。遂成一家句。如風生萬
馬間。又馬渡黃河。春草生。又贈胡中丞。如白首全生。

逢聖主。青山河。意見騷人。皆佳境也。其排比聲偶。為一時之最第興寄小薄。變化差少。僕嘗謂其七言不如五言。絕句不如律古體。不如絕句。又謂如程不識兵乎。沙萬幕部伍肅然而寡樂用之氣。

吾嘗合刻盧次樞俞仲蔚及茂秦集。蓋取次樞騷賦俞前五言古謝近體為一耳。然歌行既乏。絕句亦少。俞嘗有寶劍篇中云。海內嘗令萬事。半匣中不惜千年死。如此語亦不可多得。

徐子與之於各體無所不工。明卿乃有獨至。

李于鱗文無一字語作漢以後亦無一字不出漢以前
其自叙樂府云擬議以成其變化又云日新之謂盛
德亦此意也若尋端擬議以求日新則不能無微憾
世之君子乃欲淺摘而痛言之是訾古人矣

文繁而法且有委吾得其人曰李于鱗簡而法且有
致吾得其人曰汪玉卿玉卿今為襄陽守

余嘗有漫興十絕其一云野夫興到不復刪大海起
風生紫瀾欲問濟南竒絕處蛾眉天半雪中看於乎
此義邈矣寡寡誰解者

馮汝言纂取古詩自寧古以至陳隋無所不採且人
傳其畧可謂詞家之苦心藝苑之功人矣然遠則延
壽易林山海經圖讚近而周興嗣千文皆在所遺恐
當補錄

楊修撰之南中稿穠麗婉至華學士之巖居稿清淡
簡遠俱遠勝玉堂之作然楊稿自南克王公刻外絕
不能佳貴精不貴多寧獨用兵而已

余十五時受易山陰駱行簡先生一日有鬻刀者先
生戲分韻教余詩余得漠字輒成句云少年醉舞洛

陽街將軍血戰黃沙漠先生大奇之曰子異日必以
文鳴世是時畏家嚴未敢染指然時時取司馬班史
李杜詩竊讀之毋論盡解意欣然自愉快也十八舉
鄉試乃間於篇什中得一二語合者又四年成進士
隸事大理山東李伯承燁燁有俊聲雅善余持論頗
相下上明年爲刑部郎同舍郎吳峻伯王新甫袁履
善進余於社吳時稱前輩名文章家然每余一篇出
未嘗不擊節稱善也下何各用使事及遷去而伯承
者前已通余於子鱗又時時爲余言子鱗也久之始

定交自是詩知大曆以前文知西京而上矣已于鱗
所善者布衣謝茂秦來已同舍郎徐子與梁公實來
吏部郎宗子相來休沐則相與揚乾冀於探作者之
微蓋彬彬稱周調云而茂秦公實復又將解去于鱗
乃倡爲五子詩用以紀一時交游之誼耳又明年而
余使事竣還北于鱗守順德出茂秦登吳明卿又明
年同舍郎余德甫來又明年戶部郎張肖甫來吟詠
時流布人間或稱七子或八子吾曹實未嘗相標榜
也而分宜氏當國自謂得芳採風雅權讒者問之耽

蘇東坡先生集卷之五
三十三
耽虎視俱不免矣

余自違家難時橐餽之暇杜門塊處獨新蔡張助甫
為驗封郎旬一再至余固郤之張笑曰足下乃以一
吏部榮我乎余歸張亦竟左遷以去自是吾黨有三
甫有甫之雄爽流暢助甫之奇秀超詣德甫之精嚴
穩稱皆吾所不及也

增補藝苑卮言卷之五

增補藝苑卮言卷之六

吳郡王世貞元美著

新安程 榮仲仁梓

自古文章於人主未必遇遇者政不必佳耳獨司馬相如於漢武帝奏子虛賦不謂其今人至歎曰朕獨不得此人同時哉奏大人賦則大悅飄飄有凌雲之氣似游天地間既死索其遺篇得封禪書覽而異之此是千古君臣相遇今傳粉大家讀之且不能句矣下此則隋煬恨空梁於道衡梁武細徵事於孝標李

朱崖至屏白香山詩不見曰見便當愛之僧虔拙筆
明遠累辭於乎忌則忌矣後世覓一解忌人了不可
得

煬帝爲諸王時每有文釋輒令柳惔韋藻潤學士百餘
摺爲之冠旣卽位彌見幸重與諸葛穎等離宮曲殿
狎宴清游靡不在坐猶念昏夜銅龍易乖爰命偃師
之流爲木偶效警面目施以機械使能坐起續對酣
飲往往丙夜事雖不經可謂寵異矣

燕公大雅稱三兄第一萬迴聖僧呼詹事才子外議

似不專宋獨應制爭標往往擅場如昆明夜珠入上官之選龍池錦袍奪東方之氣聲華艷羨遂無其偶延清詩達如此直得一橫死耳又有武平一者以正月八日立春綵花應制詩成中宗手勅批云平一年雖最少文甚警新悅紅葢之先開訝黃鸞之未轉循環吟咀賞歎兼懷今更賜花一枝以彰其美所賜學士花並插後復以謔詞賜酒一杯當時歎羨讀中宗紀令人瀟瀟氣塞惟於詩道似有小助至離宮列席領略佳候使才士操觚次第稱賞亦是人主快事爲

詞林嘉話

開元帝性既豪麗復工詞墨故於宰相拜上岳牧出
鎮往往親御宸章普令和贈爲一時盛事四明狂客
以庶僚投老得之尤足佳絕青蓮起自布素入爲供
奉龍舟移饌獸錦奪袍見於杜詩及他傳奇所載天
子調羹宮妃捧硯晚雖淪落亦自可見

柳誠懸淚痕之詠與虞求興調憨詩絕相類不唯見
人主親狎詞臣適時秘密亦所不避

唐時伶官伎女所歌多採名人五七言絕句亦有自

長篇摘者如聞篋淚沾臆見君前日晝夜甚寒猶寂寞
疑是子雲居之類是也王昌齡王渙之高適微服酒
樓諸名伎歌者咸是其詩因而歡飲竟日大曆中賣
一女子姿首如常而索價至數十萬云此女子誦得
白學士長恨歌安可牽他比李嶠汾水之作歌之明
皇至爲泣然曰李嶠真才子又宣宗因見伶官歌白
楊柳枝詞永豐坊裏千條柳趣令取永豐柳兩株栽
之禁中元稹連昌宮等辭凡百餘章宮人咸歌之且
呼爲元才子李賀樂府數十首流傳管絃又李益與

賀齊名每一篇出輒以重賂購之入樂府稱爲二李
嗚呼彼伶工女子者今安在乎哉

宋王岐公珪爲學士嘗月夜止召入禁中對設一榻
賜坐王謝不敢上曰所以夜相命者政欲略去苛禮
頌略風月耳旣宴水陸奇珍仙韶霓羽酒行無筭左
右姬嬪悉以領巾紈扇索詩王一一爲之咸以珠花
一枝潤筆衣袖皆滿五夜乃今以金蓮歸院翌日都
下盛傳天子請客宣政以還京攸王李諧詭唱和寵
醖一時德壽重華史衛公吳郡王曾覲張嶮亦復接

踵然皆下國之徵或是偏安逸豫不足多載

明興高帝創自馬上亦復優禮儒碩至親調甘露漿及御撰醉學士歌賜金華宋承旨濂宣宗與蹇夏三楊游萬歲山少保黃淮時以致仕趨朝謝恩特令從讌仍賜肩輿賡歌贊咏為一時盛事有光前古

大曆中新羅國上書請以蕭夫子穎士為師元和中外林賈人鬻元白詩云東國宰相以百金易一篇偽者輒能辨元豐中契丹使人俱能誦蘇子瞻文洪武中日本安南俱上章以金幣乞宋景濂碑文嘉靖初

朝鮮國上言願頒示呂柟馬理文以爲式所謂一解
不如一解

自昔倚馬占檄橫槩賦詩曹孟德李少卿桓靈竇楊
處道之外能復有幾自非本色故足貽姍教曹行路
難猶堪放浪崇文醇兒有愧祖武至於權龍褒輩祇
供盧胡而已獨南史所載梁曹景宗目不知書好以
意作字及當上讌朝賢以曹兪螯不煩倡和曹因請
不已許之僅餘競病二韻卽賦云去時兒女悲歸來
笳鼓競借問行人何如霍去病一座賞服宋沈慶

之目不知書。每將署事輒恨眼不識字。上嘗歡飲羣
臣。逼令作詩慶之。請顏師古執筆口授之。曰：微生遇
多幸。得逢時運昌。朽老筋力盡。徒步還南岡。辭榮此
聖世。何異張子房。上悅。衆坐稱美。比齊解律金不解
書。有人教押名曰但。五屋四面平。正卽得至作勅勒
歌。曰：敕勒川。陰山下。天似穹廬。蓋四野。天蒼蒼。野茫
茫。風吹草低見牛羊。爲一時樂府之冠。宋野史載韓
蘄王世忠。目不知書。晚年忽若有悟。能作字及小詞。
皆有宗趣。一日蘇仲虎尚書方宴客香林園。韓乘小

驟逕造劇歡而散次日餉尚書一羊羔仍手書臨江
仙南鄉子二詞遺之瀟灑超脫詞多不載此四事頗
相類又蜀將王平識不過十字而口授書令辭上日可
觀噫豈釋氏所謂宿昔餘因耶

漢時衛霍營平糾糾虎臣然栢梁詩如郡國士馬羽
林材和撫四夷不易哉語無愧七言風雅封建三王
表及屯田諸疏兩漢文章皆莫能及然三主表或臯
慕容所爲栢梁歌詠咸依位序獨驃騎在承相前大
將軍乃在承相後去病日貴此亦一徵外家公主不

可治可謂誦諫又史稱博陸戾不學無術廢立大事
伊訓明徵乃問古有如此不至答變生兄弟書曰昔
殷王祖甲一產二子曰囂曰良以卯日生囂以巳日
生良以巽爲兄良爲弟許釐莊公一產二女曰妹曰
箴楚大夫唐勤一產二子一男一女男曰貞夫女曰
瓊華近代鄭昌貴文長椿一生二男滕公一生二女
李黎生一男一女並以前生爲長此又近似該博老
儒何也

張飛手書刁斗銘書法妙絕又甚奇薛仁貴亦有周

易解行世

中宗宴群臣柏梁體帝首云潤色鴻業寄賢才又大
明御寓臨萬方和者皆莫及然是上官昭容筆耳內
薛稷云宗伯秩禮天地開長寧公主云鸞鳴鳳舞向
平陽太平公主云無心爲子輒求郎閭朝隱云著作
不休出中腸差無愧古

兩謝戲馬之什瞻冠群英沈宋昆明之章問收廢賞
雖才俱匹敵而境有神至未足遂槩平生也時小許
公有一聯云二石分河寫雙珠代月移一聯亦自工

鑿情全篇不稱耳

王方慶高曾二十八祖俱擅臨池劉孝綽羣從七十
餘人咸工拔藻盛哉彼梁鄧金張貂綿蟬聯者何足
道也

淮南鴻寶謂挾風霜之氣興公天台云有金石之聲
吳邁遠嘗語人吾詩可爲汝詩父每於得意語擲地
呼曹子建何足道哉杜必簡死謂沈武吾在久壓公
等又云吾文章可使屈宋作衙官王融謂劉孝綽天
下文章若無我當歸阿士丘陵鞠見人談沈約文進

日何如我未進時近代桑民懌見丘相公問天下文
人誰高者曰惟桑悅最高其次祝允明其次羅玘耳
文人矜誇自古而然便是氣習

李令伯陳情一表天下稱孝後起拜漢中自以失分
懷怨應制賦詩云人亦有言有因有緣仕無中人不
如歸田明明在上斯語豈然謝公東山捉鼻桓恐富
貴逼人既處台鼎嫌隙小構見桓子野彈琴撫怨詩
一曲至將鬚流涕殷深源卧不起及後敗廢時云會
稽王將人上樓者去梯匹如始作養劉不出山時觀

有何不可乃知嚮者都非真境

平陵方均望以書別隗囂范蠡收責旬踐乘扁舟於五
湖咎犯謝罪文公亦逡巡於河上夫以二子之賢勒
銘兩國猶削跡歸愆請命乞身望之無勞固其宜也
望聞烏氏有龍池之山微徑南通與漢相屬其傍時
有奇人聊及閒暇廣求其人願將軍勉之雖鴟夷子
皮何以加焉然至立劉林作天子自為承相卒陷大
僂死者有知能無為西州強魄所笑

寶丹盜東陽柴廓之什其子幾成構訟延清愛劉希

夷之詠遂至殺人魏收邢劭交罵為任昉沈約之賊
楊衡行卷為人竊以進取至生剝少陵擗捨義山今
世何李亦遂體無完膚可供一笑然人謂希夷為延
清所殺余竊有疑落花故自宛轉要非至者延清何
為苦欲得之至謂賓王為延清續天台之句尤非也
余於第三卷中已辨之止繇二詩並見集中而好事
者欲以證希夷之橫死賓王之倖生故令延清受此
長誣耳

徐敬業黃巢亦稱為僧以免黃巢有鐵衣着盡着僧

衣語又一說宋開寶中八十老僧道價爲叢林所重
臨當歸寂從容示偈舒左足足底有黃巢二字又有
載姚泓爲終南山地僊事極詳要之皆誣罔耳

晉氏以降雅擅玄言雖隻語寡寂而撮勝標永斐然
成章如衛洗馬云見此茫茫不覺自端交集苟未免
有情亦復誰能遣此簡文云會心處不必在遠翳然
林水便自有濠濮間想也覺鳥獸禽魚自來親人謝
太傅語王右軍曰中年傷於哀樂與親友別輒作數
日惡王曰年在桑榆自然至此正賴絲竹陶寫恒恐

見畫覺積欣樂之趣顧長康談會稽山川云千巖競
秀萬壑爭流草木蒙籠其上若雲興霞蔚王子敬云
從山陰道上行山川自相映發使人應接不暇若秋
冬之際尤難爲懷此故少耳何必減天台山怨別賦
樂志論全篇又慕容德登高譙群臣曰齊魯固多君
子當昔全盛之時接慎巴生淳于鄒田之徒蔭修檐
臨清沼馳朱輪佩長劍恣非馬之雄辭奮談天之逸
辨指麾則紅紫成章俛仰則丘陵生韻至於今日荒
草頽墳氣消烟滅永言千載能不依然曹景宗旣貴

謂所親曰我昔在鄉里騎快馬如龍與年少輩數十
騎拓弓弦作磬石礮聲箭如餓鳥噉平澤中逐麋數肋
射之渴飲其血饑食其胃甜如甘露漿覺耳後生風
鼻端出火此樂使人忘死今來楊州作貴人動轉不
得路行開車慢小人輒言不可閑置車中如三日新
婦此邑邑使人氣盡雖不如前簡至有大雅風亦自
奇麗德索虜景宗武人其能言尤可怪耳

王處仲每咏曹公老驥伏櫪志在千里烈士暮年壯
心未已以如意擊唾壺為節唾壺盡缺節文德悲解

肉生意也桓元于桓言不能流芳百世亦當貽臭萬
年至今為書生罵端然直是大英雄語令人傾慨

陸士龍詩故不如士衡耳至本傳所載范陽盧志於
衆中問曰陸遜陸抗於君遠近機曰如君於盧毓盧
璉志默然既起雲謂機曰殊邦遐遠容不相悉何至
此哉機曰我父祖名播海內寧不知耶議者以此定
二陸優劣竊恐未爾武帝嘗問吾彥陸喜陸抗二人
誰多也彥曰道德名望抗不及喜立功立事喜不及
抗後彥為交州餉士衡兄弟士衡將受之士龍曰彥

本微賤爲先公所拔而答詔不善安可受之乃止此
段事絕同乃大相反何也要之致嚴取與覺士龍爲
勝

巧遲拙速摛辭與用兵故絕不同語曰枚臯拙速相
如工遲又曰工而速者唯士簡一人士簡張率也第
一時賞譽之稱耳臯甫氏乃以入談何也蓋有工而
速者如淮南王稱正平陳思王王子安李太白之流
差足倫耳然鸚鵡一揮子虛百日煑豆七步三都十
年不妨兼美唯畫亦然李思訓百日之功吳道子半

日之力

文通裂錦還筆八夢以來便無佳句人謂才盡鮑照亦謂才盡殆非也昔人夜聞歌渭城甚佳質明跡之乃一小民傭酒館者損百緡予使鬻酒久之不復能歌渭城矣近一貴人彊仕之始詩頗清新既涉貴顯雖篇什日繁而惡道全出人怪其故予曰此不能歌渭城也或云鮑是避禍令拙耳

謝安石見阮光祿白馬論不卽解重相咨盡阮歎曰非唯能言人不可得正索解人亦不可得杜公有云

文章千古事得失寸心知亦謂此耳夫劇鉢心腑指
摘造化如探大海出珊瑚奈何今逐臭吹聲之士輕
讀之也至於有美必賞如響之應連城隱璞下生動
容流水離絃鍾子拊心古人所以重知已而薄感恩
夫豈欺我

每歎嵇生琴夏侯色今千古他人覽之猶為不堪况
其身乎與陶徵士自祭預輓皆超脫人累默契禪宗
得蘊空解證無生忍有陶云但恨在生時飲酒未得
足此非牽障語第乘謔去耳孔文舉生存何所慮長

寢萬事畢歐陽堅石窮達有定分慷慨復何歎石季
倫天下殺英雄卿亦何爲爾潘安仁俊士墳溝壑餘
波來及人謝靈運邂逅竟幾何修短非所愆符朗冥
心乘和暢未覺有終始元直興何以明是節將解七
天身皆能驅使大雅以豁至怖便未真得猶足過人
若乃息夫絕命於玄雲蔚宗推醜於一丘可謂利口
則吾誰欺

自古文章之士稱以僊去者理或有之蓋天地冲美
秀特之氣見予獨多生有所自出有所爲則去有所

歸固其宜耳淮南王與八公上昇東方朔西入瑤池
司馬季主委羽托化南華冲虛各備仙職嵇康郭璞
並著兵解曹植爲遮須國王蔡邕爲修文郎劉楨徐
幹王粲俱爲侍中王茂弘爲尚書令陶隱居爲蓬萊
都水大監魏鄭公爲太陽都錄大監李長吉召賦玉
樓記白居易爲海山院主韓退之爲真官寇萊公爲
閩浮提王石曼卿爲芙蓉城主蘇子瞻爲奎宿劉景
文爲雷部掌事沈文通爲地下曹司杜少陵生前爲
文星典吏及其歿也又與李青蓮輩俱優游江湖稱

散僊近顧太保鼎臣嘗三寢徐昌穀任第二殿帝君
後詹事深將終之夕亦預寢之其事尤奇怪予別有
紀

左太冲謝靈運邢子才篇賦一出能令紙貴王元長
徐孝穆蘇道衡朝所吟諷夕傳遐方雞林購白學士
仕至值百金蜀葵獲梅都官詩繡之法錦而子雲寂
寞玄亭元亮徘徊東籬子美躑躅浣花昌齡零落窮
障寄食人手其末酒家工部云名豈文章著悲哉乎
其自解也今數百歲後有人無所復虞第作者不賞

賞者不作以此恨恨耳

雲溪友議稱章仇劍南爲陳拾遺雪嶽高適侍御爲
王江寧申冤此事殊快人足立藝林一幟但不見正
史及他書耳

古人云詩能窮人究其質情誠有合者今夫貧老愁
病流竄滯留人所不謂佳者也然而入詩則佳富貴
榮顯人所謂佳者也然而入詩則不佳是一合也泄
造化之秘則真宰默憺擅人群之譽則衆心未厭故
紳佔推琢幾於伐性之斧豪吟縱揮自傳爰書之竹

牙刃起於兔鋒羅網布於鴈池。是二合也。循覽往丘
良少完終爲之愴然以慨。肅然以恐。曩與同人戲爲
文章九命。一曰貧困。二曰嫌忌。三曰玷缺。四曰偃蹇。
五日流竄。六曰刑辱。七日夭折。八曰無終。九曰無後。
○一貧困。顏淵簞食瓢飲。原思蒸藿不糝。子夏衣若
懸鶉。列子不足嫁衛莊周。貧粟監河。黔婁被不覆形。
東方朔稱饑欲死。司馬相如家徒壁立。典鷓鴣陽昌
家傭酒。太史公無貨賂贖罪。匡衡爲人傭書。東郭先
生履行雪中。足指盡露。王章病無被。卧牛衣中。王克

遊市肆閱所賣書范史雲金中生塵第五韻無田宅
寄止靈臺中或十日不炊孫晨織筭爲業吳瑾傭作
讀書趙壹言文籍雖滿腹不如一囊錢東晉債家相
敦乞貸無處王尼食車牛竟餓死董京殘絮覆體乞
匄於市夏統採稻求食卻說養鷄種蒜以給治喪陶
潛驅饑乞食思效冥報應塚屠蘇祭徹机榆見謀見
道元與天公牋言布衣麤短巾脚是出孿捲脊露張
融寄居一小船放岼上虞齏遇雨舒被覆書身乃大
濕王智深嘗五日不得食掘堯根食之劉峻家有悍

犯法杜篤乞假無厭路粹隘狹已甚陳琳實號爲疎
繁欽性無檢格劉楨屈強輸作王粲率躁見嫌孔融
稱衡傲誕致墮楊修丁廙扇動取斃阮藉無禮敗俗
嵇康陵物凶終傅玄忿閹免官孫楚矜誇凌上陸機
犯順陵險潘岳乾沒取危顏延年負氣摧黜謝靈運
空踈亂紀王元長凶賊自貽謝玄暉侮慢見及雖天
子有才華者漢武魏太祖文帝明帝宋孝武皆自世
議子謂顏公談尚未悉如儀秦代厲權謀翻覆韓非
刻薄招鬼采守斯史建覆宗劉安好亂亡國陸賈舍賂

夷荒枚臯輕冶媒賤楊惲怨望被刑匡衡阿比中貴
劉向誣罔黃白谷杜宗傅戚里王充狂誕非聖陳壽
售米史筆劉琨少殺權濟孫綽人稱穢行王儉市國
取相沈約乘時徼封張續杯酒殺人謝超宗鮑鮪納
間魏收潘娣徵賄江總獻諂麗詞世基從史荒君世
南遨遊二帝四傑皆競輕浮沈宋並馳險繪李嶠浮
沈致責蘇味道模稜充位張說大肆苞苴賀知章縱
心沈湎王維鄭虔陷身逆虜柳宗元劉禹錫躁事權
臣劉長卿怨對多忤嚴武驕矜無上李白見辟狂王

崔顥數棄仇偶元稹改節奧援李德裕樹黨黑籍擊王
建連姻貂璫李益感恩藩鎮楊億謔侮同舍曾舉華陵
鑠維秦歐陽修垂名濮議蘇軾取攻蜀黨王安石元
豐歛怨陸游平原失身人主如梁武隋煬湘東長城
違命昏德不足言矣以唐文立之賢而閨門之行不
可三緘况其他乎卽如吳邁遠杜必簡之流不能盡
徵邇時李獻吉氣誼高世亦不免狂簡之譏他若解
大紳劉原溥桑民懌唐伯虎王稚欽常明卿孫太初
康德涵皆紛紛負此聲者何也非內恃則出入弗矜

外忌則攻摘加苦耶故爾然寧為有瑕璧勿作無瑕石

四偃蹇孫卿垂老蘭陵避讒引却孟氏再說不合務
律出畫長卿為郎數免婆娑茂陵仲舒既罷江都衡
門教授賈生長沙卑濕作鵬賦東方朔久困執戟作
客難楊雄白首校書作解嘲馮衍老廢於家作顯志
賦陳壽以謗議再致絀辱孫楚以輕石苞湮廢積年
夏侯湛中郎不調作抵疑郤正三十年不過六百石
作釋譏潘安仁三十年一進階再免一除名一不拜

作閒居賦卜杉檟棄形骸仕既不遂作蚤虱蝸蟲賦
劉峻爲梁武所抑不見用作辨命論何偃宦遊不達
作柏張賦盧思道宦途遲滯作孤鴻賦盧詢祖斥修
邊墩作長城賦王沈爲掾鬱鬱作釋時論蔡凝爲長
史不得志作小室賦劉顯六十餘曳裾王府在陵鞠
不樂武位欲掘顧榮塚劉孝綽前後五免蕭惠開仕
不得志齋前悉種白楊庾仲容王籍謝幾卿俱久不
調沈酣以終侯白欲用輒止得五品食旬日而終四
傑惟盈川至今長李杜淪落吳蜀孟浩然以禁中件

上日放還終老薛今之以首夏有致嫌奪官蕭穎士及第
至十年纔爲記室王昌齡詩名滿世栖遲一尉賈島
溫飛卿皆犯顏龍服顛躓不振孟郊公乘億溫憲劉
言史潘黃之徒老困名場僅得一第或方鎮一辟憔悴
悴以死至其詩所謂鬢毛如雪心如灰猶作長安下
第人十上十年皆下第一家一半已成塵一領青衫
消不得着朱騎馬是何人又有椰榆路鬼憔悴波臣
獼猴騎士牛鮎魚上竹竿之喻噫其窮甚矣胡仲申
聶大年劉欽謨下華伯李獻吉康德涵王敬夫薛君

采常明卿新雅欽皇甫子安子循王道思比自邇時之
偃蹇者

五流貶流徙則也呂不韋馬融蔡邕虞翻顧譚薛
瑩卞鑠諸葛宏張溫王誕謝靈運謝超宗劉祥李義
府鄭世翼沈佺期宋之問元萬頃閻朝隱郭元振李
善李太白吳武陵明則宋濂瞿佑唐肅豐熙王元正楊
慎旻竄則賈誼杜審言杜易簡韋元日杜甫劉允濟
李邕張說張九齡李嶠王勃蘇味道崔日用武平一
王翰鄭虔蕭穎士李華王昌齡劉長卿錢起韓愈柳

宗元李紳白居易劉禹錫呂溫陸贄李德裕牛僧孺
楊夔卿李商隱溫庭筠賈島韓偓韓熙載徐鉉王禹
偁尹洙歐陽修蘇軾蘇轍黃庭堅秦觀王安中陸游
明則解縉王九思王廷相顧璘常倫王慎中輩俱所
不免窮則窮矣然山川之勝與精神有相發者

六刑辱孫臏則是范雎折脇張儀播至數百司馬遷
腐刑申公脊靡稱衡鼓吏劉楨尚方磨石馬融蔡邕
班固之流至崔慰祖袁象陸厥輩咸髡鉗短後城旦
鬼薪諸葛勗有東冶徒賦鄴炎有遺令四帖高爽有

鑊魚賦杜篤有吳漢誅鄒陽江淹俱有上書崑自是因
繫中成者明初文士往往輸作耕佃邇來三木赭衣
亦所不免

七六折夏侯榮七歲屬文十二歲戰歿范攄于七歲
能詩十歲卒林傑六歲能文十七歲卒夏侯稱十八
表著十九邢居實二十王寂二十一何炯二十二王
彌王延壽何子朗俱二十四表毓字彥道二十五稱衡
王訓李賀俱二十六衛玠王融俱二十七酈炎陸厥
俱二十八沈友王勃俱二十九阮瞻到鏡孔熙先劉

許歐陽建俱三十顏淵劉世敵盧詢祖俱三十一賈
誼三十二謝瞻三十五王洽劉琰王錫王僧達謝朓
俱三十六謝晦謝惠連俱三十七王珉王儉王肅俱
三十八王濛三十九嵇康歐陽詹俱四十近代高啓
鄭善夫何景明高叔嗣俱三十九王謳殷雲霄及友
人宗臣俱三十六友人梁有譽三十五常倫三十四
徐禎卿陳東俱三十三李兆先二十七古稱丈夫蘭
摧玉折信哉

八無終韓非蒙毅鼂錯楊惲京房賈捐之班固袁著

崔琦蔡邕孔融楊修稱衡邊讓張裕諸葛恪鄒參司馬
侯玄高岱山沈友韋曜賀邵韋昭嵇康呂安張華裴頠
石崇潘岳孫拯歐陽暉陸機陸雲符朗謝混顏峻沈
懷文謝朓劉之遴檀超丘巨源謝超宗王僧達荀丕
蕭賁崔浩荀濟王灼楊愔溫子昇虞綽傅縡章華王
胄薛道衡劉逖歐陽稚張蘊古劉禕之王劇王劭范
履冰苗神客陳子昂王昌齡李邕王涯舒元興盧仝
姚漢衡劇燕路德延注台符郭昭慶鍾謨潘佑高啓
張羽張孟兼孫賁解縉以冕李斯劉安主父偃息夫

斯何晏鄧颺隱蕃桓玄殷仲文傅亮謝晦謝運范曄
孔熙先謝綜王融王偉鄭愔宋之問崔湜蘓漁江爲
宋齊丘他以法屈原杜篤周處劉琨郭璞任孝恭袁
淑袁粲駱賓王張巡顏真卿溫庭皓周朴孫晟陳喬
文天祥俞闕王偉方孝孺以義陳遵鍾會蔣顯夏侯
榮衛恒曹攄王衍庾歆袁翻袁山松殷仲堪鮑照袁
嘏張纘江簡鮑泉尹式孔德紹王由韋謏虞世基皮
日休以亂他如王筠以井王延壽何長瑜盧照隣以
水張始均以火伊璠以猛獸近代常倫以狂刃韓邦

奇馬理王維楨以地震至若簡文湘東宋徽李煜
不敢論

九無後叔向之鬼既餒中郎之女僅存劉瓛劉璉並
廢蒸嘗何胤何點先虛伉儷李太白蕭穎士有子而
獨孫女流落俱爲市人妻崔曙一女名星白公一姪
曰龜系絕清時貽文莫讀至於文舉二子一女髫年
被刑機雲會華春功駢儻王筠闔門盜手神理茶酷
於斯極矣